



АССАЛАМУ ГЯЛАЙКУМ! К ИЗОБИЛИЮ

УЧРЕДИТЕЛЬ:
Сергокьалала районна администрация. МБУ
«Эркиндешличи» газетала редакция»

1931 ибил дула
сентябрьличад
дурабулхьуси саби

ЭРКИНДЕШЛИЧИ

№ 8 (4632) \Районна жамигьятла-политикала газета\ жумягI, февральла 17, 2017-ибил дус

Мубарак Гьунарти хьумхлертехле

Гьар дус 15 ибил февральличиб бургьанти-интернационалистуни гьанбиркахьнила Бархли дурабуркьуси саби. Ил Бархли, 1989 ибил дуслизир советский гьаскуртани Афганистан бархьбатурси, улкала Правительствола хьарбаркь асилдешличил таманбарибси бархли саби.

9 дусличибра имцали бухьянбитлун Афганиста дергь. Ил дергь ахьиб 600 азирличибра имцали советский солдатли ва офицерли, 15 азирличи гьамли советский солдат алхун. Чула хала дудешунани ва дудешунани Чебяхьси Barla дергьлизир дакьударибти гьабзадеш дакьудариб илданира. Илдада ургаб лебри нушала районлантира. Илдада гьунарти нушани хьумхлертехле ва бургьанти-интернационалистунала хьурмат бирехле.

Урки-уркьилабад мубаракбирулра нушала районна бургьанти-интернационалистуни чула Бархлиличил. Хьушаб чьумаси арадеш, талихI, игьбар ва яшавлизиб эркиндеш каммадиаб!

М.Гьямаров, муниципальный районна БекI

Гьур дургььби мадиаб!

Ишдула февральла 15-личиб Советский гьаскуртани Афганиста ванза бархьбатурхлейчирад 28 дус дикиб. Чум ардукьяллира, иларти дургььбазиб калунтала ил дергьла асурти ва дяхьурби муртлисала кавлан. Бахьал интернационалистуни – азирти нушала ватланланти, илдада ургаб районлантира алхун, чулахьбиуб.

Гьаннала гьергьби чисала дьвти чедаэс кьадармабиаб. Даршудешлизир, паргьатдешлизир калабая, талихI ва игьбар каммадиаб!

*М.Шахмедов,
районна афганлантала Советла председатель*

Дорогие сограждане!

Если вы решили принять участие в сборе средств на строительство и благоустройство Аллеи Героев в с.Сергокала Сергокалинского района РД, где будут установлены памятники Герою России **Магомеду Нурбагандову**, Герою Социалистического труда **Ханум Магомедовой** и Герою Социалистического труда **Гусейну Азизову**, можете перечислить денежные средства:

- наличными деньгами или перечислением на расчетный счет банка в соответствии с указанными ниже реквизитами для перечисления денежных средств из стороннего банка на счет, открыты в российских рублях в банке ПАО Сбербанк России.

Получатель денежных средств **Таймазова Наида Магомедовна** - член Инициативной группы по строительству и благоустройству, ответственный за сбор денежных средств.

Для рублевых переводов:

Счет получателя 40817810960321121240 Дагестанское отделение №8560 ПАО Сбербанк г.Махачкала, ИНН получателя 7707083893. Бик банка получателя 040702615. Кор/счет 30101810907020000615

Для валютных переводов:

Получатель: **ТАИМАЗОВА НАИДА МАГОМЕДОВНА**

Счет получателя 40817810960321121240
Наименование банка получателя: **SBERBANK (YUGO-ZAPADNY HEAD OFFICE) STAVROPOL RUSSIAN FEDERATION**.

SWIFT-код **SABRRUMMSP 1**

Вся информация о поступлении пожертвований, а также информация о ходе работ по строительству Аллеи Героев и его благоустройству будет опубликована в газете «К изобилию», на сайте Администрации МР «Сергокалинский район» и в страницах инстаграмм, фейсбук, одноклассники.

Инициативная группа

Хьурматла сергокьалалананти!

Хьушани балуливан, Сергокьалала шилизи шин дакьлахьес багьндан, дахьал хьанчи дарибти сари. Илди хьанчи, кьирли дучес пикридарибти кьакьурбазирти шинна проводуни сагадирули, гьаннала замана дамдирули сари. Шила духьнар ца-чумалцун шин дашути гьиниз лерти замунти гьанна бахьлис гьаналрахьедиркур. Бахьалгьунти адамтала азбарлизир чьахькадикьули шин лер. Амма илди шиннис, газ-хутл^ис кьайда, багьа бедлугес гьягьнили

биьниличила нушани хьумуртулра. Багьа халаси ахьен – базла бухнаб ца адамличибад 30 кьуруш. Адамтани шиннис арц хьелугни багьндан, шинна проводуначи хьербикьути хьанчизартас алапа бедес имканти агара. Районна Администрацияла илдас алапалис арц деклардарес, закон хьисабли, ихтияр агар, сенахьенну ил хозрасч^етное предприятие биьни багьндан.

Ахьлерти сергокьалалананти, пикридухьеная хьуша ил секлайчи, ил нушаб лебтасалра дебали хьяжати организация саби. Ца бархилилизиралра шин деткахьалли, нуша илдачи зьянкькадикьулра, арц биалли дедес дигули ахьенра. Бусурман адамли жумягI бархли садакьара бирусигу...

*«Эркиндешличи»
газетала редакция*

Районна Администрациялизиб

Гьачам гьатли налогуначила

Январьла 25-личиб районна Администрацияла заседание-бала заллизиб шимала бургала совещание бетерхур. Ил абхьиб ва бузахьи районна БекI **Мяхьяммад Амирович Гьямаровли**.

Совещаниеличир налогуначил, налогунала хьулчи каби-захьниличил, юртани лушнила хьекьлизирти суалти хьердариб. Илизир бутлакьандеш дариб БекIла заместительтани, уп-

равлениебала ва отделтала руководительтани, полицияла начальникли ва шимала бургани.

Хьердирути суалтала чебкад гьайбухьун районна БекIла заместитель **Баркакьади Мажидов**, жилищно-коммунальный хозяйствоза, юртани лушнила ва архитектурала отделла начальник **Мяхьяммадимин Алхасов**, духьнарти кьулулукьунала

отделла начальник **Гьябдулла Мяхьяммадов**. Илкьайдали чуни дарибти хьанчиличила отчет бирули ва челукьути масьулти ахьдурцули гьайбухьун шимала бурги. Совещание-ла ахирличиб районна БекI **М.Гьямаровли** жавабла хьанчизартас хьарбаркьуни дедиб.

Нушала корр.

Экологияла дус абхьиб

Россияла Федерацияла Президент **Владимир Владимирович Путинна** Хьукму хI а с и б л и 2017-ибил дус экологияла ва тлабигьят балтахьнила дусли багьахьурси саби.

Гьаннала замана лизиб экология бегларачелукьути масьултазибадла ца саби. Сагати журала технологиябани иличи халаси асар бирули саби.

Жамигьятла, лебилра адамтала ил секлайчи пикри бьахьичаэс хьяжати саби. Гьарилли нушала тлабигьят арабарес, ил берцахьес багьндан вирусигьуна баралли, ца галга кабаталра – илра хьанчи саби.

Сергокьалала районна библиотекали экологияла дуслис хасбарибси балкьаахьурли план леб. Гьалабван илала бучьнила заллизиб районна библиотекабала ургаб экологияла дус ибхьнилис багьшлябарибси балбуц дураберкьиб. Ил абхьиб директор **Замира Гьямаровани**. Балбуцла бутлакьанчиби сабри **Гь.Батирайла** уличилси Сергокьалала урга даражала шко-

лала 7 «в» классла бучьланти, илдада руководитель **Мари-**

чил, «2017 ибил дус – экологияла Дус», «Дагьиста



на Ибрагьимова, шимала библиотекарьти ва библиотекабала бучьланти.

Илди, районна библиотекала хьанчизартани хьядур-

хьукуматла заповедник» бикьути стендуначил тянишуб.

Илкьайдали, дурхьни «Дагьиста» заповедникли-



дарибти «Тлабигьят берцахьни – гьямру дерцахьни» бикьуси жузала выставкали-

чила баянти дурули гьайбухьун.

Нушала корр.

